

郎

潛

三

筆

壬癸藏札記卷三

鄞 陳康祺著

姚端恪公文然長刑部日方更定條例公曰刃殺人有限例殺人無窮吾曹可無愼乎虛衷詳議去其太甚劑於寬平決獄有所平反歸輒色喜嘗有因誤刺字爭之不得歸而長跪自罰公子堂應會試爲總裁王清所黜清公所舉士也撤棘後始知之來謝過公笑曰此足明我兩人無私也君報我厚矣何謝爲其生平謹慎大都類此

康熙五十二年凡詞臣乞假者部彙疏上

特旨槩予休致時

聖祖聞翰林不共官次干謁滋擾者甚多故有此嚴譴也

世宗嗣位始悉予起用

常熟陶晚聞太常正靖以自序代年譜中一則記庚戌會試云再試

保和殿名在第十二

上命中堂傳訊諸進士自度材能堪任吏與否同年倪紫珍先對曰有志臨民余繼言曰願就教職文肅愕然

按請其同鄉
蔣文肅公

再詢之余對如初太常雖仍以翰林用可

見當時進士初釋褐竟可自量才地上達

天聰也

陶太常初通籍偕同年數輩謁漳浦蔡文勤公公叩以詩民勞篇太常逡巡未對公曰此詩重戒詭隨八章中獨此句不變因極言詭隨之弊聲色嚴厲聞者悚然後夫人病劇公以太常知別脈命之入視衾帷粗敝寒士所不堪太常爲之踞蹠自愧見太常所撰公文集跋康祺按服御樸素在公特清德之一端其引据經誼牘迪後進則於先生教弟子宰相育人材之義可云兼盡今之握文衡稱座主者宜取則焉

沈端恪公初爲文選郎尙書隆科多最專斷曹司莫敢仰視端恪獨侃侃持正議一日畫諾尙書曰可端恪曰不可尙書怒端恪持之益力良久尙書忽曰沈選君諍友也改商從之且曰寮友當如此矣入告於

世宗遂不次加大僕卿仍領選司自此得大用康熙按是舉不難於端恪之不阿隆科多乃爲選君屈又從而薦達焉則尤爲難能者也一節之長不得以他行拚之沈端恪爭耗羨前筆記之未詳蓋耗羨歸公之議艱自田文鏡諾岷

世宗已許行而猶召九卿議之眾以

上意所向不敢爭公獨爭之力言今日正項之外更添正項他日必於耗羨之外更添耗羨他人或不知臣起家縣令故知其必不可行

世宗曰汝爲令亦私耗羨乎公曰非私也非是且無以養妻子

世宗曰汝學道人乃私妻子乎公曰臣不敢私妻子但不能不養妻子若廢之則人倫絕矣

世宗笑曰朕今日乃爲沈近思所難是日眾皆爲公危然

上雖不用公言而亦不怒也

雍正初年

世宗以浙中累出大逆爲世道人心慮欲加整飭於是詔罷浙江春秋貢士設觀風整俗使以訓之時奉

命持節至者爲大宗丞奉天王公國棟未幾公與總督

彭城李公衛學使交河王公蘭生先後上言浙人感

天子教育之恩洗心滌慮痛自湔除

以上略見初筆

而復科一

事尙未得聞以請會武威孫公詔來守吾郡嘗言諸生以立品奉公爲尙有倚託青衿不急圖課作四民倡其罪尤甚因下令於試士時先使有司覈報苟有此輩卽令停試已而學使行部至甯聞孫公所行善之概行通

省是歲浙人之課爲天下最

天子已嘉浙人自新之速聞是事大喜卽降

旨准復開科試且以學使訓迪有方

敕部議敘學使曰孫君之功也

李文貞公幼工舉子業好爲坊社選文嘗自誇其明文
前選之精曰一鄉一國士子有能熟於此者可永免兵
火之災吾鄉謝山先生痛詆之謂相公紙尾之學所以
成中和位育之功者盡在於此言雖太苛然理學經濟
如榕村乃淺淺以兔園冊子妄自炫暴洵不知其命意
之何居

桐城劉開孟塗年十四以書謁姚惜抱先生先生大奇之因從事先生之門得其學世咸稱其古文謂望溪海峰之傳藉以不隕也康熙讀孟塗全集輒以孟塗負不世才駢文五七言詩皆包孕閎深發摛矜慎卓然自成一家不獨古文足爲姚門世嫡惜才豐遇尙年才四十以上舍生終初孟塗游於浙過某邑有人候於門卒然問曰君得非桐城劉先生耶要至其家具盛饌酒半告以有母孀且老守志數十年欲乞能文者爲壽前夕夢其父語之曰三日有桐城劉先生過吾門非其文不能傳爾母當固請之旣復與游山至一古墓所有碑曰宋

處士劉開墓因曰孟塗爲處士後身而孟塗亦愾然自
失知己將終不能貴以顯也見姚侍郎元之所作劉孟
塗傳事雖涉誕亦足悽矣

朱高安晚歲多病屢乞身

世宗嘉獎而慰留之雍正九年又具摺奏請內閣傳出
上諭爾病如不可醫朕何忍留如尙可醫爾亦何忍言
去高安感激涕零從此不復有退志紬繹

聖言與孔子對定公君使臣以禮臣事君以忠二語若
相表裏也

雍正丁未試南宮

上以春寒賜天下貢士棉衣薑茶試畢羣詣謝

恩吳大宗伯襄宣言於眾曰

上有旨汝輩他日作官當如張鵬翮朱軾方不負朝廷
兩文端之見重如此見彭端淑白鶴堂集

汪厚石吏部孟銷有初到內閣口號云陳人久歎積薪
餘乍許清班學步趨獵獵西風敝裘帽東華門外喚車

驅靜聽閣老馬蹄聲侍讀諸公白事迎我自田間來幾

日慎教輕易上階行六科書吏立如麻齊下三單冊點

加堵筆紛紛忙注本日輪眼急下東華

原注遇殿
封即日則三日

本齊下 乾清門側檔初交匣視看人喚打包枯坐今朝拚

守晚領歸

諭摺件傳抄

原注領上諭奏摺日直中例
派一人候夜直交代爲守晚

御門聞道特除官

硃筆題名敬奉觀別有改簽更式樣傳宣票擬細尋端

原注御筆親書爲硃簽特旨改標爲改簽輪班辰入退過申來是空言兩

隸人莫怪此間無灑掃禁城清絕不生塵又典籍廳任

事八首云六年歷俸八年資又向西廳坐褥移一轉成

仙人共笑遠迴不去待何時寂寞茶房淡泊厨喧然吏

役日高初各堂上任誇誰似一飽猪羊祭庫餘原注典籍到任

例以猪羊祭庫畫行事細粗能曉點卯人多猝未詳夜直若非

郎潛三筆

卷三

六

連兩夜軍機須去面中堂

原注供事阜隸紙匠蘇喇朔望日赴廳唱名漢典籍無圖

直夜直印單印簿縫鈴存啟鑰開箱晝繼昏始識相公

多攝事十纜一二本衙門

原注中堂有兼管上諭處國史館三通館俄羅斯館行

部院衙門文俱用廳印以印單爲憑掌印幫班等樣官平明滿漢一廳攢

考勤簿子親書押要送兼廳侍讀看

原注滿漢典籍各二缺餘皆別堂來

兼理者滿侍讀學士侍讀兼廳則爲廳官之長北廳章奏南廳案大庫文書小

庫銀承發散班齊了事瓣香酌酒祭科神

原注廳供事南北各十四

人五月十三日醮錢寶箱例引赴

乾清肅

駕年年典據徵接送預行

交泰殿奉盈一念警宵興

原注旃檀香竇十五竇之一

寫出內閣學

士典籍各一員赴

乾清宮

辦事銜名不自由背推踵

請寶 駕旋送寶亦加之

原注吏部選例

接此勾留莫將五日輕京兆尙許管人喚阜頭

中書帶辦事銜者題

管典籍撰文則否

吏部爲乾隆丙戌進士先以壬午

獻龍井聞見錄

召試得中書其自注各條頗足存當時黃扉故實康祺

從父西林先生兆翰以咸豐季年季弟清瑞以同治間

先後入直偶談及閣中規制則視北封章豪端綸紵省

郎職掌無復舊日清嚴矣

吳省欽人不足論其選館授職擢侍讀恭紀諸詩頗足

考見當日詞林規制爰併其自注錄之選館云觚棧端

聳五雲間隔畫傳呼

法駕還

駕在西苑引見者俱須祗詣惟新進士引見駕特先日還宮以郵寒峻食宿之費

年貫竝繙蚪斗字超踰分領橐駝班名超甲第先排等

自戊辰至是科除一甲外皆先命王大臣驗列一等數人二等者三四倍之欽在二甲三十名時列一等之第

三喜送丁奴各候關

從人止中左門外

通籍七年官數月

宮扉初次聽金環

堯廷列跽姓名通

詔傍階墀覽下風

引見官跽處距階例二丈許是日命移近至階下 譽忝朝

元珠錯落

新進士試保和殿第一者謂之朝元時欽忝此選 蹟聯館少玉玲瓏

館選齒最少者謂之館少欽與海甯祝德

麟壽光李鐸同列一等其年皆祇二十

丹豪結體天旋左

名摺既下丹國者庶吉士尖者分部額外主事連點者知縣候選 御筆

右丹蹟宛然

黃闔凝暉日正中好與元和徵故事喜

歡三十二人同

陳標句案元和十三年放進士三十二人今科一甲三人授館職庶吉士選二

十九引對頻煩翰苑司

引見新進士由翰林院司之 傳宣頃出鳳凰

池瀛洲雖到官稱士郊殿初旋

帝命師

庶吉士例以掌院學士及內閣學士列本候簡俾教習焉協辦大學士劉綸侍郎德保未待題

本先膺是命距北郊後祇三四日云

掌院分書長論齒

雲貴川廣人免習國書其餘三十

歲以下者多令派習掌院學士於館選後數日以齒分清書漢書謂之分書

到門換帖緩需

期最後輩謁前輩初次俱用晚生白帖例以科分 山林臺

閣懸霄壤勉習唐賢二應詩

唐人以應制應教作爲二應體

麟角牛毛

命不居下江祇選四中書

江蘇庶吉士四人俱中書改授其不由此者惟修撰秦大

成而

已乍支雙俸分幫俸

各闕額解庶常館共銀三千餘兩謂之幫俸

未引單

車列後車

庶吉士車入院門與編修學士無異惟少單引而停車亦稍後云

教養

恩兼三殿上哀榮感及九泉餘卷堂叩假臣何敢忠信

齋心奉玉除

館選乞假者祇准註病或卷堂而散聞將嚴是令焉

授職云六街新

報狀元歸西苑薰絃協舜揮襍被預租金地淨押班齊

望火城圍三年教養

恩如海兩字賢良德有輝執卷趨踰敷坐穩氈茵綵几

必

顏威時尹文端劉文正以大學士爲館師率領諸思克入賢良門散卷殿東晴接殿西

陰正大光明仰

帝心丹字分題雙捧下錦袍合跪三思尋盡即忍切求麥

隴秋濤壯莫負花輒書罍沈一賦五詩真鹵莽願闕鳳

律破蛩吟是日試八韻影對麥浪詩省錢成五首翠輦東來降玉階羽林

全撤仗雙排平臨

天步光先近

宣索雲箋韻未諧已刻御輦經殿前隨下封進閣門

重簡點評量樞院勘參差二三等第勞

宸覽留館容看發綠牌清漢書皆分二三等拆封後依序繕綠頭牌引對勤政殿

宵衣勤政仰家傳雁序通名豈論年職志已完文士業
詞章也荷

聖人憐但循資格安時命蚤託編摩遺俗緣如此清華

難副望向陽葵藿勉精專

省欽與修一統志音韻述微續文獻通考略列一等第二

大考擢侍讀云天門誅蕩曳青縞甲第聯銜候試差月

旦待題名士重風儀難信病坊諧

朝日引見應出試差人貢坊缺中有年

老者遂命大考

六年大比宜循典三日常雩適致齋館吏一

時曠走語筆牀硯匣細安排

日壬戌後屆六年節舉大考於西苑時值雩與

文圓宏開曙色淩羽林雙引翰詹齊抱從佛腳靈當乞

仰過

天顏候漸稽薦

寢拜霑嘉果

賜留田策罷遠糧齋茂先王佐臣何有慚媿枋榆斥鷃

低

按張華鷓鴣賦新羅屯
日談紫禁朱櫻出上闕詩

白華朱實捧

宸廡草屋標題兆豫成

省欽自號白華伏閭御製朱
櫻詩首聯有白華細結三冬月

朱實紛垂首
夏天之句

新進無資還壓卷故人
有分輒連名省欽

等第一褚侍講廷璋一等第二白
召試朝考省欽各皆在籍上寸心得失終難問鼎

甲迴翔暫比榮止三人今後好修衷倍矢

敕頭何易副

親旌

歷奉諭旨觀其文
復觀其人親定等第

丹翰遷除

寵命新光明喜遇佛生辰三升未信由司馬五品先誇

不遜人

明張位詞林典故五品不復報
推遜引虞書語人以爲笑端報

主文章徒夢寐致身富貴孰精神飛沈時數關前定少
賤驚心四十春

順治丙戌會試魏柏鄉卷已擬第一填榜改十二名李
爽棠本定十二名改爲第一後柏鄉正揆席而李不甚
顯見柏鄉集乾隆癸未會榜第三本定張書勅以論誤
斥去於落卷中搜得秦大成卷補之秦占大魁而張隨
中丙戌狀元見藤陰雜記可知科名遲速有定數名次
先後亦有定數狗竇馬廐中人枉自營營也

初天下賢序皆隸提學道康熙四十二年始設學政越十餘年部議令學使歸休者悉赴城工効力時李文貞公方家居曰賢否同率非所以示激厲也密疏清公之臣若而人請加分甄藉是多免役者

前明史閣部以乾隆四十年

賜諡忠正後二年始建祠堂於揚州梅花嶺適鉛山蔣侍御得公遺像及家書一通遂因鄉衮彭文勤公奏進御題五言近體一章竝

命刻石於祠堂壁間

聖朝褒恤遺忠樹立臣鶴如是其至也

按南疆逸史稱可法見豫王王

命將宜爾頓作之三日不降乃殺之宜爾頓爲之棺斂
而祭魏晉所記乃謂史德威尋公尸載骸塞路腐變不
可救其無
曆之言一

施襄壯公琅少有識度膂力絕人通陣法尤善水戰諳
曉海中風候明末從軍討山寇有功授游擊嘗隸黃道
周麾下道周不能用乃謝去鄭成功託故明遺孽棲海
上以琅爲左先鋒而心忌其能琅以法誅逃將成功怒
執琅囚其家屬琅脫身歸

本朝父與弟皆遇害

一曰公歸芝龍投誠遂從大軍立
功歷東成功歸海島誘而囚之

中公以計脫父弟子炬皆被害一曰公留事成功
見蘇茂以無罪殺遂脫身未歸考之諸書均未核成功
後悔之嘗曰楚國之禍其在子胥矣後琅平臺灣成功

孫克塽率其屬迎木次人謂琅必報仇琅曰絕島新附一有誅戮恐反側子不安吾所以銜恤茹痛者

國家事重不敢顧私也宣布

詔書撫納降附遣鄭克塽等次第渡海至內地待命則非殘忍陰鷲之子胥所可比矣

康熙十二年十二月吳三桂反書至一夕都城內外所在火起蓋三桂子應熊方以尙主在京師其黨爲之也王文靖公熙疏請將應熊速正法傳首楚蜀以寒老賊之膽以絕羣奸之望以激厲三軍之心應熊尋伏法始三桂恃鴟張之勢子又戚懿

朝廷必不殺以爲之招及聞應熊死驚悸氣奪遂底於
亡

丹徒張文貞公性穎悟少端重寡言笑嘗與賓譙竟夕
危坐比夫雙趺宛然識者許爲台輔之器

康熙三十五年

親征噶爾丹至科圖

詔漢臣皆止京江相國獨堅請從深入噶爾丹已破走
復請從至歸化城受降

聖祖賜所御衣帽禦寒戒毋露宿軫恤甚至嗣是

寵任益專爲漢臣冠

內閣大堂西槐樹每會試年鵲結一巢則中書得鼎甲
一人乾隆乙未結數巢狀元吳錫齡榜眼汪鏞探花沈
清藻會元嚴福果皆由中書舍人通籍禽鳥得氣之先
殆信然與

王玉暎名端淑山陰王季重次女也適錢唐貢士丁肇
聖偕隱徐天池之青藤書屋善書畫長於花草疏落蒼
秀作詩文亦有高致順治中嘗欲援曹大家故事延入
禁中教諸妃主玉暎力辭乃止卒年八十餘著有吟紅
集見吳德旋初月樓續聞見錄

常熟馬江香名荃自父以上三世皆爲畫師江香承其

父扶曦畫學晚歲名益高四方以縑素兼金求畫者益眾嘗蓄婢數人悉令調鉛殺粉而琴川多貴游士女皆來求授指法稱馬先生江香早寡尤以苦節稱時武進惲亦畫以沒骨名而江香以勾染名江南人謂之二絕冰字清于南田草衣族曾孫女也適同邑毛鴻調鴻調高才不應舉築小樓夫婦吟詩作畫以老

山陰楊賓大瓢工詩善書性嗜著述鄉里有楊才子之目父安城爲友人牽連戍甯古塔賓赴

闕訟冤

聖祖鑒其誠諭令之柳條邊迎父歸養塞外人稱爲楊

孝子著有柳邊記略賓既歸越鄉人亦改稱孝子孝子蓋文藝微長不得揜其堂堂大節也

沈歸愚尙書晚年詩名日高日本臣高彞海外寄書于餘言溯詩學之源流詆謔牧齋持論不公而以尙書爲中正又贈詩四章願附弟子之列并乞獎借一言其意甚誠尙書謂外夷不宜以文章通往還因師文衡山不予遠夷書畫意置不作答見尙書自作年譜康祺竊謂國家全盛之際威棱遐暢四裔咸賓士大夫詞翰風流旁溢海表正足顯

天朝文物之隆自頃開關互市蠻獠趾錯言服無譏一

二等邊鉅公報聘通盟自不得不姑與酬酢其餘學士
文臣山人墨客寸素尺縑固宜自知矜重矣

朱文正公年十七中鄉舉榜發後謁座師阿文勤公公
曰子年少而魄力大似先師安溪李文貞公又謁劉文
正公公亦大感賞翼日招至第中命與公子文清公同
題壁間後猊噬虎圖用東坡石鼓詩韻詩成公讀至東
龍西龍鬥赤日白髯老蛟碎玉斗句大叫曰眞長吉語
有頃復正色曰子詩文已成家留心經濟必成偉人文
勤文正二公以賢宰相生子復爲賢宰相乃於門下之
賢宰相初撥一科卽知爲他日宰相之器衣鉢沆瀣之

說殆果有之歟

大興竹君學士石君太傅二公幼負美才太傅甫成童
受知於府丞石首鄭太常其儲擢第一學士次之遂同
入學人稱朱氏兩神童明年府尹常州蔣公炳約其同
鄉劉文定公綸程文恭公景伊錢文敏公維城侍郎莊
公存與培因兄弟設筵招兩神童面試文定授題崑田
雙玉歌詩成諸公驚喜明日皆先就訪焉前輩之謙光
盛德如此其禮下寒畯可感其匠成俊髦尤可敬也

按文

正與其仲兄垣及竹君學士均受鄭太常知文正作太
常墓誌稱乙丑冬月公來予家坐聽事先君命于兄弟
出謁公大詫曰君奈何凍裂吾莊先君愕然公徐曰此
三進士吾三莊也速衣之裘先君笑諾珪兄弟自是乃

得服羊荦後文正兄弟果先後成進士然東莊之說特大常殷言耳朱氏三君豈獨以進士重與

祁陽陳文肅公大受未達時家貧其耕於山麓同舍漁者每夜出捕魚公爲候門則讀書以爲常後以豕宰拜協揆直軍機值金川用兵

高宗寤勤方略軍書如織雖夜分必達公一日數被召見或夜宿直廬條臥倏起出入常見星偶歸邸則閣部公牘積數寸刻燭披覽公泰然不覺其勞蓋筋骨夙堅少賤習勤之效也

湖南衡州府故有九釐餉

國朝洪經略用兵時擬設額也後遂沿爲例衡民苦之

乾隆初休甯黃封君興仁

辛巳進士御史薦達
辛卯狀元洗馬軒父

守是郡

上牘請免之議格不行不知今何如矣錄之爲湖湘大

吏告

石首鄭太常其儲以康熙壬辰通籍癸巳授檢討

世宗初元改授戶部山東司郎中三年擢工科給事中

庚戌授四川松茂道參議乾隆戊午擢太常寺少卿遷

左僉都御史明年改順天府府丞丁卯又轉常少按以

檢討改郎中以郎中不階御史逕擢給諫既外任參議

矣忽擢常少既由少卿遷僉都再轉而仍居故官其間

迴翔遷轉皆不甚循尋常階級又非有被議降謫之事

今所罕聞也

乾隆二十一年丙子梁文定相國以國子司業充廣東
正考官覆

命奏對稱

旨命發往廣東以道員用二十六年由惠潮嘉道以卓
異引

見

特旨署都察院左副都御史明年主江西鄉試旋視學
安徽江蘇已擢吏部左侍郎矣緣署廣東糧道失察折
色事落職就勘事白授山東冀甯道游陟封疆卒正揆

席按以考官稱職發是省候補道員以道員入覲超擢
卿貳以侍郎被議仍還道員亦近今所罕有者

黔中多山少平地田可耕者寥寥其陂陀磽确卽丈量
亦高下不可準嘉慶十六年巡撫顏公檢以黔幅員遼
廓而糧數乃不敵一二縣於江蘇慮多隱匿請丈全省
田適山陽李芝齡宗伯宗昉以中允爲貴州學政聞之
駭甚而顏公銳自任調屬吏設官局事行有日矣苦無
說以折之初宗伯甫下車檄各學校官訪鄉士大夫藏
圖書金石歌謠涉黔事者最上學政爲記一書至是適
得御史包承祚丈田奏知乾隆初貴州學政鄒一桂嘗

請丈田而包駁之事獲寢宗伯遂以示顏公勿復言丈田事野民始慶再生蓋網羅舊聞其有益於人國如此宣城梅勿庵先生文鼎歲貢生子以燕舉人兩世俱通算學以燕子文穆公毅成始大其宗而勿庵父子兆域聖祖特命江南織造曹頌監工稽古之榮極已

清江爲南北通衢咸豐間粵捻蠶起浦以南江甯鎮江瓜洲西北則廬州北則河南賊或據或流烽火相望不絕獨麗浦郡縣民飲食安樂商賈高枕熙熙然不知數百里外爲羆虎豺豕戰鬥之窟河帥聊城楊公以增力也公爲湖北監司善治盜提督羅公思舉睨視大吏獨

重公開藩陝西值大旱饑巡撫林文忠奏請自代文忠
每日楊至堂乃聖賢門中人也公性好聚書其學以宋
儒禮法爲歸而名物象數音聲訓詁亦勤懇研究宜樹
立如斯其奇偉與中其後今天下藏書家博且精無出
楊氏右者宋元舊版亦最夥公子侍
講紹和官京師余屢約友人登其堂乞竄祕藏忽忽不
果而侍講則下世矣聞侍講子已舉孝廉克守先業足
見公遺德之長

陸立夫制軍嘗語人曰吾向以楊至堂好蓄書今乃知
其得一書必閱一書也楊公晚年亦自言古人曰歸耕
吾不能矣若著氊冠披羊皮裘課鄉里小童經書吾誠
樂之其所得之深遠可想

灌陽蔣君作梅以進士合四川之南川縣旋督理西藏
釋臺時番僧鬥殺漢民君按致其罪其酋堪布賂金瓶
而實以球求緩獄君怒揮之去乃倍其賂於駐藏大臣
強君君益怒不從強君者慚其酋且重賂遂以監守盜
誣君奏置之法時嘉慶十五年五月也嗚呼廉吏果可
爲乎然是月川督常明已疏辨其罪甚析
朝旨責其馳奏之緩不及平反而君之誣則大白君治
南川敏而勤獄爲之空縣多山溪患漲溢君會之成川
田以不敗及官西藏撫軍民有恩至是且爲之死皆感
動罷市立廟設其像如生嗚呼廉吏果不可爲乎

南亭老人王世芳浙臨海人康熙丙辰曾養性犯台州祖遭賊害老人隨父請兵夜襲賊營殺賊無算口不言功歸而讀書家貧賣藥自給年四十九入學八十貢成均九十六官遂昌訓導百有九歲告休七世一堂

純皇帝御賜詩章賞國子監司業銜建坊表以旌人瑞老人壽百十七歲始壽終

傅忠毅公宏烈康熙初年知甘肅慶陽府郡自闖逆蹂躪之餘重以霜雹大疫民不堪命公入境告廟誓拯子遺安撫流亡多方措賑於是巖疆始有起色郡之甯州安化合水三屬當明初元將平章邠國公李思齊橫征

加賦坐困殘黎三百年未經請減公特疏入告通政司以知府無上疏例駁回公不顧罪戾復遣吏擊登聞鼓以積困上達荷蒙

恩諭查蠲而平涼鞏昌臨洮三府帶徵均得循例題請賜免所謂子產有辭諸侯賴之也慶人感戴立祠塑像蓋不待公建立大功成睢陽常山之節而已家尸戶祝永矢勿諼矣

傅忠毅公巡撫廣西佩撫蠻滅寇大將軍印屢摧狂寇
嶽然長城

聖祖鑒公忠赤

特封公生母但太君一品夫人

賜第會城

敕和碩簡親王兩江總督董衛國巡撫佟國楨總兵哲爾肯加意頤養又念侍奉乏人復

命公妹原適鑲白旗驃騎將軍汪宗宏者馳驛歸里以代定省

隆恩摯誼周浹旁皇凡爲人臣有不願捐糜以圖報者乎况忠孝如公平

壬癸藏札記卷三終

鄞 陳康祺著

餘姚布衣陳梓古銘雍正間舉孝廉方正辭不就私淑
桐鄉張楊園氏於其鄉先輩陽明之學格擊極嚴撰四
書質疑以教學者書體古別與北地鷹靑山人李隱君
錯齊名稱南陳北李

陳洪綬號老蓮諸暨人前明崇禎間召入供奉不拜甲
申後名益高技亦益進書法道逸善畫山水尤工人物
得李公麟法衣紋圓勁設色奇古論者謂筆意在仇唐
之上與北平崔青蚓子忠齊名稱南陳北崔

自昌黎以名次三王爲榮幸而三王二字遂爲雅典國朝亦有兩三王漁洋尙書與其兄司勳士祿進士士祐連牀唱和人各有集世稱濟南三王此詩家之三王也王烟客太常時敏爲一代畫苑開山四方工畫者得其指授無不知名同鄉廉州太守鑑字元照亦善山水摹古尤精及太常孫麓臺少司農原祁以畫侍直

內廷法大癡淺絳尤爲獨絕人稱太倉三王此畫家之三王也太常諸公又與常熟王翬石谷號四王石谷亦太常弟子太常目爲畫聖

大興河間二相國同產畿輔年少同負異才乾隆丁卯

科鄉舉闈中本定文正第一後易文達而文正列第六
通籍後離合不常晚歲仍同領清要文達參知之缺卽
文正大拜所遺也嘉慶十年二月四日同赴翰林院上
任文正詩云上瀛洲忝領袖九成鳳翽久迴翔以文
正自戊辰館選辛未授職壬申升侍講戊寅升讀學乙
未由布政使重授講學己未教習庶常壬戌協辦癸亥
掌院事甲子

上幸翰林院乙丑拜端揆之

命遂爲二十七科之首十番到院文達則自甲戌館選
丁丑授職辦院事洊歷學士後謫戍環

召授編修總纂四庫全書開坊再爲學士至參大政蓋
九翔鳳池矣見文正詩自注惜文達入閣甫半月卽逝
鹿鳴重宴尙欠兩年文正輓詩深痛之

漢軍高文良公其倬以從龍世胄胚胎前光少歲卽以
傳人自命旣登第入館選乞假讀書鍵戶不出者數年
研究古今裁量時務一一了然於中以故自詞臣至大
位咸有聲績督撫數省政尙廉靜祛害櫛蠹外不矜赫
赫名而吏民相安無事時論譬之和風之拂人

汪鈍翁教授堯峰門徒數百輩比於鄭眾塾恂時嘉善
葉燮星期方罷官築室吳縣之橫山下遠近從學者亦

復負笈踵來廊舍爲滿鈍翁說經鏗鏗素不下人與星
來持論鑿枘互相詆譏兩家門下士遂各持師說不相
讓後鈍翁沒星期謂吾向不滿汪氏文亦爲其名太高
意氣太盛故麻列其失非爲汪氏學竟謬鑿聖人也今
汪沒誰譏彈吾文者吾少一誣友矣因取向所摘汪文
短處悉焚之吳下人士咸服其古道星期前宰寶應值
三逆倡亂驛道雲擾黃淮交漲隄岸屢決毀家紓難民
賴又安蓋非僅以文學見者

國初平海寇鄭氏一役袁隨園撰姚公啟聖神道碑謂
發蹤指示姚實首功而提督施琅攘之頃讀沈尙書歸

愚文鈔則姚督部之功又多出於漳浦黃太常方督部
奉

命入閩太常謁軍門條平海十便督部用其策相與密
謀伺間出奇先收諸要地以蹙其勢乃大開修來館於
漳州來降者予官服車騎卽亡無所問卒有亡入賊者
皆誇示所有賊心動謀至密使諸營厚欸之謀卽以情
輸戰有日矣或填館舍盛供具大書某鎮某官公館聲
言某月日某將當來降賊互猜貳歸者日眾賊黨日孤
我師一鼓而下十九寨遂復海澄克廈門澎湖一戰鄭
克塽面縛求貸死海寇以平諸將克金廈門時議悉誅

賊黨而以其子女資財犒軍督部申禁令全活數十萬
眾亦由太常密請也太常總藩湖南時適武昌夏逢龍
亂已陷四府廷議出京軍

上曰湖南有黃性震在彼佐平數十年海氛何愁么麼

跳梁輩時撫臣亦擬請兵太常第主靜鎮未幾逢龍果

誅死然則太常亦人豪矣

按太常以道士自鄭氏來降復入臺以計間劉國軒於克

埃鄭氏由是失勢見全吉士姚公神道碑蓋亦唐魏文貞之流亞云

嘉慶二十四年秋武殿試傳臚

上御太和殿臚唱時一甲一名武進士徐開業一甲三

名梅萬清均未到班奉

論事關典禮非尋常疎忽可比本應全行斥革念其草
茅新進徐開業革去一甲一名並頭等侍衛梅萬青革
去一甲三名並二等侍衛俱仍留武進士再罰停明年
殿試一科俟下屆會試再與新中式武進士一體殿試
卽以一甲二名秦鍾英拔補一甲一名授爲頭等侍衛
其一甲二名三名無庸再補前筆曾記文進士臚唱誤
班降甲不意鷹揚宴中人亦有此一段故事爰補錄之
侍郎周興岱以典試江西獲咎部議奪職
特旨用爲翰林院侍讀學士次年嘉慶癸亥大考屆期
興岱以年老有疾懇請休致

上諭斥其不早陳奏有心取巧勒令休致尋復
賞編修因其父周煌曾任上書房總師傅而興岱亦倬
直南齋有年也按興岱前官編修大考嘗列四等垂老
邁此宜其談虎色變與

朱竹君學士視學安徽以事降編修在四庫全書處行
走比歸總辦日下舊聞纂修事是時金壇于相國敏中
掌院爲總裁于公直軍機凡館書稿本披覈辨析苦往
復之煩意欲學士就見面質而學士執翰林故事總裁
纂修相見於館所無往見禮訖不肯往愛之者強拉之
至西園相見學士持論侃侃不稍下金壇間爲

上言朱筠辦書頗遲

高宗不之罪曰命蔣錫棨趣之真

特恩也後學士弟文正自山西歸復入翰林從容爲兄言宜稍和同者學士曰子亦爲是言耶文正媿服

嘉慶十二年春夏恒暘光祿卿錢楷請依漢書求雨閉陽縱陰之說將正陽門石道停工

上謂五行生剋大率經生傳會卽如漢書求雨注內所稱閉南門禁舉火之類一鄉一邑或可偶一爲之京師都會之地設令正陽崇文宣武三門暫閉數日成何政體從前寶光縣惑於此說竟有不開房門出入窗牖之

事豈非笑談雨澤愆期惟當勤修實政敬迓天和所奏
應無庸議

聖人應天之誠見理之大自非儒臣所能幾及卽所舉
寶僉都一事亦可見

四聰之畢達矣

周全天下事廣積世間財此嘉慶間山東民謠緣內務
府大臣廣興左都御史周廷棟奉

命往東省審案廣興鬻貨營私周廷棟爲之隱飾眾怨
繁興諉書騰播此十字遂達

天聽讖鞫得實奉

郎潛三筆

卷四

六

旨廣興伏法廷棟屏斥不復用後之乘傳四方者無謂人言不足恤也

仁宗睿皇帝五旬萬壽御史景德奏請於

萬壽節令域內演戲設劇十日歲以爲例得

旨以景德冒昧陳奏照溺職例革職並發往盛京差遣充當苦差考前代每遇慶節大節連旬百戲曼衍以視聖朝敕幾勤政屏黜侈浮相去天啻霄壤哉

嘉慶十七年四川重慶州十一歲女子奈酉州以其父奈長安遣戍湖北其祖父母年逾八旬無人侍養匍匐入京叩請釋放臺臣爲之奏請

上以奈長安原犯情罪尙非常赦所不原念伊女年幼至性

加恩釋放回籍是又

本朝一緹縈秦休矣

康雍已前各省府教授係從九品學正教諭訓導均係未入流自

高宗登極一日念及學校之官所以訓迪多士厠居流外則與雜職無殊

諭吏部議奏賞給品級遂議教授加爲正七品學正教諭加爲正八品訓導加爲從八品升轉仍照舊例今年

辛未大挑得教職者偶來問及階級因詳告之而并錄於此

長江漁船每歲四月向有貢獻鱖魚之例沿明制也康熙朝奉

諭停止而地方有司改爲折價向網戶徵收解充公用胥吏因緣苛索沿江居民捕魚爲業者苦之乾隆初年復奉

特旨豁免永著爲例康熙按唐書詔罷貢鮮史臣以爲盛德然皆由孔戣元稹輩之乞請若

本朝則邊方土貢

恩旨罷免者代不絕書長江鱗魚特其小小者耳

先賢言子後人大宗在浙之山陰康熙辛卯江南學臣張元臣疏請賢裔宜與世襲倫敘當及言述子名然然

投狀謂先世以守越留居久離墳墓請如前明衢州孔

洙讓公爵與在曲阜者例

按孔洙讓爵在元代此作前明誤

時論高之

見宜興吳德旋初月樓見聞錄惟考江蘇撫臣王度昭

請卹賢裔疏稱子游七十三世裔孫廩膳生言德堅實

係大宗嫡派宜予承襲又陶晚聞集五經博士言先生

墓誌銘亦稱進譜牒請世職均出德堅後遂以德堅承

襲二書並常熟各志均不言大宗在山陰及述子讓職

事豈常熟一支揜其美與抑德旋之言之無稽邪大賢
支派典禮攸關他日終當求言氏宗譜一質證之

康熙癸丑冬

上特召孝感熊文端公至起居注同葉方藹張英韓菼
輩試作太極圖說公作尤稱

旨拔置第一問平時所著明道之書公以閑道錄對
命取進呈公趨歸取刻本詣

弘德殿恭進次早入侍講筵

上霽色謂曰朕披閱所著閑道錄正大精醇斯誠斯文
的派也少頃又曰錄中崇正闢邪極透切有功聖道不

淺遂

親題其籤曰熊學士閑道錄置之

御几宋元理學諸儒臣無此榮遇也

周文恭燿以乾隆庚辰典闈試臨辭

召問颶風及天后顯應事

上笑曰爾輩是上佛骨表者亦信佛耶見公所作海山

存稿

今庶常改部曹滿員或有重入翰林者漢員則回首玉
堂居然天上矣雍正間新淦王太守泰牲捷甲辰會試
讀書中祕用才能轉戶曹既躋正郎復歸庶常散館列

一等授職編修其由庶常改戶部詩云豈解度支籌國賦但能清儉懍官常授編修詩云三載戶曹居下考一時翰苑忝頭班皆紀實也

桐城劉輝祖康熙庚午鄉舉第一同產弟捷舉康熙辛卯鄉試亦第一兄弟解元世所罕有而其祖若宰實前朝崇禎戊辰及第第一人也望溪集紀之祖孫兄弟分占三頭是不得不歸之堪輿之靈矣

合肥李編修孚青文定相國子也康熙己未入翰林年纔十六

本朝科第之蚤惟順治乙未滿洲伊文靖公桑阿館選

時與之同歲

相傳

世宗在位嫉臣下紀綱之不肅苞苴之盛行凡關防風憲衙門多

密遣親信巡察以故萬里若堂階世所述軼事甚夥以未見紀載不敢筆也海濱人物抄存稱天津周撫部人

驥雍正丁未進士以禮部主事視學四川

按清祕述聞作以戶部郎

中任三年操守清潔無苟且先是本部堂官薦一僕甚勤

敏至任滿數請先行公曰我即日回京覆

命若當隨往其人曰我亦欲回京覆

命耳公驚詢乃曰某實侍衛某也特來伺公公考試好
某將先期奏聞矣公歸果蒙

褒旨公弟人騏爲公立傳敘其事甚詳

國初新庶常年少者多派習

國書蓋期其兼綜九能儲承明制誥之選也至

殿試對策則從無以清書入卷者康熙戊辰科進士仁
和凌紹雯少習清書

廷對日用清漢合璧體書寫讀卷諸臣靡可位置乃以
之殿二甲大抵闈場應奉之作令甲昭垂不必獨爲其
異雄才遂學揚聲有期側藝偏長詭遇可耻如紹雯者

設拘守常格隨眾漢體按漢體二字岳倦翁以之稱飛白書蓋避鄂王諱也借用之

豈併此二甲末名亦不得耶

文登徐中丞士林居官清潔自勵不名一錢以賢勞沒於蘇松巡撫任同官賻贈千金其弟士楹卻之曰兄素矢清白恐拂初心不敢收

高宗聞而嘉之時士楹以孝廉家居一日忽奉

旨賜進士授東粵某邑令人謂中丞兄弟之茂伐貞操宜其渥承

天契也

晉甯李鶴峰中丞因培有人倫鑒典學三吳幕中賓僚

郎潛三筆

卷四

十一

如趙光少文哲張舍人熙純陸副憲錫熊孫撫部永清

皆東南選也中丞嘗語諸公曰少華

熙純字

才豐遇喬清

而不華損之

文哲字

耳山

錫熊字

當爲名侍從耳山官尤貴

但非封疆才文淵

永清字

大器恐晚成他日必以幹濟爲

朝廷倚重惜余不及見耳後果應其言

孫文靖公之尊人文淵中丞以諸生客游入粵東應胡

偶韓方伯文伯之聘方伯性嚴毅高立崖岸中丞與抗

禮不少損抑土司某以爭廕龔相計提驗照勘皆前明

印璽幕中執事擬以私造符信律法當斬株連甚眾中

丞心寬之丙夜私具藁而言之方伯曰此酋志在爭廕

無他賜且叛逆罪至重安可妄坐方伯曰大府旨也中丞持之力因曰君備職旬宣遜大府一階耳何奉令承旨若此且君素有剛正聲今胡爲者方伯曰限迫矣易稿豈倉猝能辦中丞乃出袖中私所爲稿方伯讀之大喜以白大府大府亦喜竟從其議活二百數十人或曰中丞兩世開府此一事卽其陰德也康熙按陰德之說尙屬杳茫以一秀才參幕府而器識果毅政治明練出居停主人上固知此座之不久將屬矣

高淳張夔嘆進士爲諸生試必冠其曹困舉場三十載未嘗有愠色治詩古文所得皆警邁而未嘗爭名於時

年近五十始登甲科而不肯試爲吏其既升於禮部也
宗伯韓文懿公昌言於朝張自超宜在上甲自超踵門
曰某有母病且衰某登上甲必以職留公當愛人以德
可謂闡修竺行之士矣

順治丁酉江南科場之獄主試房考十人皆伏法初筆
載之矣其新中舉人

章皇帝親加覆試江南斥革者方域等十四人停科者
史繼佚等二十四人

按史館雜記又有流尙陽堡八人檔案未載

惟武進吳

珂鳴以文理獨優

特準與新貢士一體

殿試尋改庶吉士誠所謂塞翁失馬也

康熙五十二年癸巳爲

聖祖皇帝六旬萬壽恩科順天鄉試榜發第一名孫見龍第二名黃文虎時號龍虎榜猶唐貞元間韓昌黎登進士稱龍虎榜元至正間之有麟鳳榜也又是科榜中稀僻之姓如南部新書所謂榜花者有萬承蒼壽致浦千殊春臺四人時又號萬壽千春榜傳之後人又添詩賦好題目矣

康熙間澎湖之戰漳浦藍軍門實爲前茅賊艦蔽江迎敵礮中過腹腸出矣血淋漓公族子法爲掬而納諸腹

中四弟瑗傳以衣五弟珠持匹練連腹背交裹之公大呼殺賊不暇顧也有紅毛醫能治之卒無恙臺灣平後公入都抵趙北口遇

聖駕出水園馬凝立不及避乃舍騎步入梁園中

駕至遣侍衛問誰騎公乃出曰臣藍理從福建來者

上問是征澎湖時拖腸血戰之藍理邪公奏曰是

召至前問血戰狀解衣視之爲撫摩傷處嗟歎良久嗣專閩吾浙每遇

南巡迎謁

聖祖見公輒語諸王公以拖腸血戰狀又引見

皇太后曰此破肚將軍也康祺按東漢賈復北齊彭樂唐郭琪皆以臨戰腸出力疾殺敵爲奇勇軍門澎湖之役復何滅古之驍將哉

藍義山軍門諸弟皆以平臺功加都督瑤功最多未仕卒授至金門鎮總兵與公皆喜書擘窠大字揚盾一躍三四丈珠官參將勇不讓諸兄而性敏嗜學能背誦通鑑綱目不遺一字一門英傑亦近代所希已

廣東昌化縣正賦不及二千而中有浮糧六百餘兩蓋自前明成化中山水圯城附郭膏腴悉就淪沒遂有此無徵之額民間困累百年至崇禎朝始得懸豁而

本朝定鼎以明季賦重悉照萬厯間舊額於是薄海驩
欣而昌化獨有向隅之歎康熙間常熟陶紫笥先生元
淳宰茲邑屢列狀申大吏請免最後撰浮糧攷一冊迄
不得上聞垂沒猶以爲憾令予晚聞太常正靖居言路
時始端牘籲陳獲邀

俞旨嗚呼賢矣大凡一命之士存心利濟精神氣力之
所注雖時會中梗必有獲申其志之一朝然而批政易
滋神君難覩循良繼世往牒尤稀如陶氏父子亦可以
風望天下矣

國朝間大儒其通經澤古躬行粹然必以嘉慶間左海

陳先生壽祺爲巨擘矣先生幼而能文博奧驚其長者年十七遺書同縣薩君玉衡自咎不能高行遠學擔荷世宙如宋廣平范希文雄節偉略建樹奇勳如終孺子班仲升粹掌苦學目不窺門如董廣川何邵公然自守澹靜力絕徵逐非同志一人弗妄交而其胸中時有浩浩落落慷慨鬱勃不可告人之意蓋其年少自狀如此旣官編修方直淵雅重於朝列以不得迎養二親常愀然不樂父喪奔歸終身以爲大感服闋遂乞養母教授生徒以供朝夕謂其門人張岳崧曰吾惟不屑不潔不以不廉之財奉甘旨不以不義之行欺晨昏差告無罪

爾母沒不復出嗚呼志行若先生卽無訓詁文筆之長
何嘗非人倫坊表耶

左海先生歸田後門徒若雲贄幣叠至主講仙游清源
兩書院以學古敦行率多士重廉耻尙經學優其禮貌
嚴其董戒士初苦之而久乃悅服巡撫上元葉公墜請
移席鰲峰先生與之約請先察學行後攷文藝牒郡縣
舉其孝弟廉潔者通經學古秀異有才者及歲科試高
等若輩舉優行者守令以禮資送乃扁試而錄取焉作
義利辨科舉論知耻說揭於講堂又爲規約教以正心
術廣學問慎交游肅禮儀悉發藏書使博觀而精擇之

日稽其課月攷其能經史文章因所長而裁成之不爲一格故游先生之門者若仙游王捷南之詩禮春秋諸史晉江杜彥士之小學惠安陳金城之漢易將樂梁文之性理建安丁汝恭德化賴其瑛建陽張際亮之詩古文辭皆足名家而惠安孫經世學成蚤世其名亦在通志儒林傳中先生嘗客吾浙爲阮文達公課士仁和趙坦德清徐養原養灝錢塘嚴杰臨海洪頤煊震煊皆相從問業多所興起傳曰儒以道得民師以賢得民先生殆兼之矣

乾隆四十一年

皇太后幸宵壽宮

賜

皇帝膳並以西師功歲於階下

賜將軍阿桂豐昇額暨從征將領之功績最著者掄二十三人及軍機大臣六人飯食

賚物有差此曠古難逢之凱宴也

全州謝先生之重入臺垣也驚直如初

高宗屢褒之時先生繼母蔣氏家居老矣先生上疏乞補外曰竊惟科道之望內陞甚於外轉而人情卽願外轉不願左遷況臣負罪至深受

恩至重欲圖涓埃之報宜依

日月之光而纒熟

龍顏遽辭

鳳闕犬猶戀主蛇亦銜珠臣獨何心敢昧斯義伏念臣
繼母蔣氏年已七十一歲臣又係獨子憶自雍正甲辰
秋服闋赴補母子離別十五年於茲矣丙午冬從軍出
塞母氏含藜藿以弄孫倚門闕而望子又十二年於茲
矣臣今雖復

朝班尙違子舍頃者母氏書來道及行動艱難耳目昏
曠聞絨捧讀愧懼交并欲歸養則家道貧苦甘旨不供

不孝有三其一斯在欲迎養則廣西至京水陸七千餘里江湖之風波可畏車馬之顛覆亦可虞欲歸省則往返動經半年在家不過數月乍逢又須告別既別卻難再逢慈母之涕淚轉多游子之方寸終亂是則矢忠矢孝二者難兼而在官去官無一而可臣再四躊躇惟在外轉鄰省庶得迎養數年但臣才能既不稱道府之官而遷轉又從無自請之例違例干澤端不可開伏乞敕部治臣妄請之罪或知州或知縣降授微員憫臣將母之忱或湖南或廣東量予近地臣亦知風塵下吏遠遜臺諫清班然民社在身外得竭駑駘之力母子聚首

內得伸烏鳥之私雖公庭屈膝於上官勝往歲荷戈於
荒塞尋有

旨授湖南督糧道

旌直臣也獎孝子也

聖人之曲體人情誠非前古所有而先生陳情一疏至
誠惻怛浩氣淋漓文品尤在李令伯上故全錄之

雍正間田文鏡劾河南屬吏黃振國汪誠邵言綸等直
督李公紱言其寃

欽使往按驗還奏文鏡所劾是御史謝公濟世又劾文
鏡貪黷奏入與紱語多同

上疑焉命九卿科道集刑部訊交關狀謝公辨無有而刑部尙書勵杜訥曰是當刑訊御史永豐陳公學海在班中忽起走庭中北向大言曰與謝某交通者我也大臣皆愕然陳公故以部郎從

欽使河南得文鏡欺罔狀及爲奏爭不能得歸嘗發憤爲同僚言之者也大臣將以聞請并訊俄有

旨罷訊謝公革職發軍前効力陳得無事然明年卒以告病驗不實亦遣戍去蓋亦錚錚血性男子矣

貴州陳兵備法在翰林時與山西孫文定公廣西謝御史濟世友善三人者皆清直介立論事引義慷慨志相

得也陳公守順德引疾歸

高宗登極文定薦起之陳公官淮揚道攷論河務爲一書曰河干問答文定見而善之復以之奏

御及文定督湘楚治謝公獄稍稍袒巡撫許容歸京師過陳公公謝不見自是交遂絕乾隆十年河決江南陳家浦河督白莊恪公鍾山被劾去官責令賠補陳公已調大名道矣念舊與莊恪同事不可使獨受譴牒部科自引咎且爲莊恪辨析大臣以

聞下部議奪職戍軍臺公以四駱駝負書數萬卷赴第十六臺日著書居二年成易箋八卷多取朱程傳義發

明之而異者亦多自序不欲如前人株守師法黨同伐異之所爲也康祺按陳公操行貞坦出處光明不忝爲洛閩之學孫文定乃有此失可見義理辨析之精誠不得有禍福權變之說略參其中也

欽天監例於時憲書紀年下注一歲至六十歲干支

高宗六十萬壽

命監臣增注六十一歲至百二十歲自乾隆辛卯後永以爲式蓋

受祚之延長

聖心若可預必云

粵逆石達開之擾四川也

朝命兩湖總督駱文忠公督師援剿

穆宗登極調公督四川公方攜湘中兵隨征而以記名
道黃忠壯公醇熙記名按察使蕭壯果公啟江分統之
二公先後陣亡公率所部卒以同治元年四月禽石逆
於紫打蜀亂始平先是蜀中謠云四川地土薄硝磺用
不著若要太平時除非馬生角蕭俗書作肖蕭黃同勦
石逆猶加二字於石旁也治賊無效故曰用不著角各
音近馬生角馬旁各字指公姓也然則前史所紀諸謠
識非盡秉筆者之好採異說矣

壬癸藏札記卷四終